

**PRAVILNIK
O IZMJENI PRAVILNIKA O UNUTRAŠNJOJ
ORGANIZACIJI MINISTARSTVA ZA NAUKU, VISOKO
OBRAZOVANJE I MLADE**

Član 1.

(Izmjena člana 46.)

U Pravilniku o unutrašnjoj organizaciji Ministarstva za nauku, visoko obrazovanje i mlade Kantona Sarajevo broj 27-02-1678.4/21 od 01.02.2021. godine (u daljem tekstu: Pravilnik), u članu 46. stav (4), mijenja se i glasi:

"(4) Uslovi za vršenje poslova: srednja stručna sprema, završena Elektrotehnička, Saobraćajna ili Mašinska škola, položen vozački ispit najmanje "B" kategorije i VKV vozača motornih vozila, najmanje deset mjeseci radnog staža."

Član 2.

(Ostale odredbe Pravilnika)

Ostale odredbe Pravilnika, koje nisu izmijenjene ovim pravilnikom, ostaju na snazi.

Član 3

(Stupanje na snagu ovog pravilnika)

Ovaj pravilnik stupa na snagu danom dobijanja saglasnosti od Vlade Kantona Sarajevo i objavit će se u "Službenim novinama Kantona Sarajevo".

Broj 27-01/2-02-1678-7/21

23. februara 2021. godine

Sarajevo

Ministrica

Prof. dr. **Melika Husić -****Mehmedović, s. r.**

Na ovaj pravilnik Vlada Kantona Sarajevo je dala saglasnost, svojim aktom broj 02-04-5263-14/21 od 25.02.2021. godine, na sjednici održanoj dana 25.02.2021. godine, sve u skladu sa članom 52. stav 1. tačka 2. Zakona o organizaciji organa uprave u Federaciji Bosne i Hercegovine ("Službene novine Federacije BiH", broj 35/05).

Na osnovu člana 165. Zakona o visokom obrazovanju ("Službene novine Kantona Sarajevo", br. 33/17, 35/20 i 40/20), Ministrica za nauku, visoko obrazovanje i mlade Kantona Sarajevo, uz prethodno pribavljeno Mišljenje Ministarstva finansija Kantona Sarajevo broj 08-03-11-4298/21 AZ od 19.02.2021. godine, donosi

ODLUKU

Član 1.

Ovom odlukom utvrđuju se rokovi za uplatu školarine u ratama za studente I i II ciklusa studija koji finansiraju svoj studij u 2020/2021. godini, a imaju prosjek ocjena najmanje 8,00 i položili su sve ispite iz prethodne godine, te ne obnavljaju tekuću godinu.

Član 2.

Studenti iz člana 1. Ove odluke, imaju pravo da do završetka akademske 2020/2021. godine izvrše uplatu školarine u tri rate.

Član 3.

Univerzitet u Sarajevu će studentima iz člana 1. Odluke ovjeriti zimski semestar i omogućiti upis ljetnog semestra, bez obzira da li je do dana donošenja ove odluke izvršena uplata rate.

Član 4.

Za studente koji nisu obuhvaćeni članom 1. Ove odluke, u školskoj 2020/2021. godini vrijedi standardna procedura za uplate školarine, propisana aktima Univerziteta u Sarajevu/ organizacionih jedinica.

Broj 27-01/2-11-4226/21

15. februara 2021. godine

Sarajevo

Ministrica

Prof. dr. **Melika Husić -****Mehmedović, s. r.**

Na osnovu člana 165. Zakona o visokom obrazovanju ("Službene novine Kantona Sarajevo", br. 33/17, 35/20 i 40/20), ministrica za nauku, visoko obrazovanje i mlade Kantona Sarajevo donosi

ODLUKU**O DOPUNI ODLUKE BROJ 27-01/2-11-4226/21 OD
15.02.2021. GODINE**

Član 1.

U članu 1. Odluke Ministarstva za nauku, visoko obrazovanje i mlade Kantona Sarajevo broj 27-01/2-11-4226/21 od 15.02.2021. godine, vrši se dopuna, tako da isti sada glasi:

"Ovom odlukom utvrđuju se rokovi za uplatu školarine u ratama za studente I, II ciklusa i integrisanog studija koji finansiraju svoj studij u 2020/2021. godini, a imaju prosjek ocjena najmanje 8,00 i položili su sve ispite iz prethodne godine, te ne obnavljaju tekuću godinu."

Član 2.

Odluka stupa na snagu danom donošenja i objavit će se u "Službenim novinama Kantona Sarajevo".

Broj 27-01/2-11-4226-1/21

24. februara 2021. godine

Sarajevo

Ministrica

Prof. dr. **Melika Husić -****Mehmedović, s. r.****Ministarstvo za boračka pitanja Kantona Sarajevo**

Na osnovu člana 68. stav 3. Zakona o organizaciji organa uprave u Federaciji Bosne i Hercegovine ("Službene novine Federacije BiH", broj 35/05), ministar za boračka pitanja Kantona Sarajevo donosi

INSTRUKCIJU**O NAČINU IZVRŠENJA UPRAVNIH POSLOVA U
POSTUPKU ODLUČIVANJA O PRAVU NA MJESEČNA
NOVČANA PRIMANJA ZA PERSONALNU
ASISTENCIJU RATNIH VOJNIH INVALIDA
PARAPLEGIČARA I RATNIH VOJNIH INVALIDA I.
GRUPE**

Član 1.

(Osnovne odredbe)

Ovom Instrukcijom uređuje se način izvršenja, uvjeti i dokumentacija potrebna za ostvarivanje prava na mjesečna novčana primanja za personalnu asistenciju ratnih vojnih invalida paraplegičara i ratnih vojnih invalida 100% I grupe kojima je priznato pravo na dodatak za njegu i pomoć od drugog lica (u daljnjem tekstu: mjesečna novčana primanja za personalnu asistenciju), kao i upute za postupanje prvostepenim organima nadležnim za rješavanje po zahtjevima za priznavanje prava na mjesečna novčana primanja za personalnu asistenciju u skladu sa odredbama Zakona o dopunskim pravima boraca-branitelja Bosne i Hercegovine ("Službene novine Kantona Sarajevo", br. 45/12 - Prečišćeni tekst, 26/14, 46/17, 18/19, 20/20, 24/20 - Ispravka i 10/21) (u daljnjem tekstu: Zakon).

Član 2.

(Nadležnost za donošenje prvostepenih rješenja)

- (1) Zahtjev za ostvarivanje prava na mjesečna novčana primanja za personalnu asistenciju, podnosi se nadležnoj općinskoj službi za boračko-invalidsku zaštitu, prema mjestu prebivališta podnosioca zahtjeva koja rješava u prvom stepenu.
- (2) Zahtjevi stranaka na mjesečna novčana primanja za personalnu asistenciju rješavaju se prema stanju spisa i na osnovu dokaza uz zahtjev kojim je pokrenut upravni postupak, na osnovu čega se utvrđuje stvarno činjenično stanje i ispunjavanje uvjeta za priznavanje prava u

- momentu podnošenja zahtjeva za ostvarivanje prava, te u skladu sa tim donosi upravni akt.
- (3) Upravni akt koji donosi prvostepeni organ u obliku rješenja u dispozitivu treba obavezno da sadrži:
- priznavanje prava na mjesečna novčana primanja za personalnu asistenciju ratnih vojnih invalida I grupe sa priznatim pravom na tuđu njegu sa I ili II stepenom,
 - pripadajući procenat od prosječne neto plaće ostvarene u Kantonu Sarajevo u prethodnoj godini (ne navoditi trenutni novčani iznos osim u obrazloženju rješenja) i datum priznavanja prava,
 - iznos primanja svake budžetske godine utvrđuje odlukom ministar za boračka pitanja Kantona Sarajevo nakon objave saopćenja Federanog zavoda za statistiku o iznosu prosječne neto plaće ostvarene u Kantonu Sarajevo u prethodnoj godini.
 - naznaku da se donošenjem rješenja o priznavanju prava na mjesečna novčana primanja za personalnu asistenciju, stavlja van snage rješenje nadležne službe o priznavanju prava na mjesečna novčana primanja ratnih vojnih invalida kojima je priznato pravo na dodatak za njegu i pomoć od drugog lica,
 - da rješenje podliježe nadzoru Ministarstva za boračka pitanja Kantona Sarajevo (u daljnjem tekstu: Ministarstvo) s tim da nadzor odlaže izvršenje rješenja,
 - isplate će se po rješenju vršiti iz sredstava Budžeta Kantona Sarajevo razdjel Ministarstvo za boračka pitanja,
 - upozorenje stranci na obavezu prijave promjene koja utiče na korištenje prava na mjesečna novčana primanja za personalnu asistenciju.
- (4) Obrazloženje rješenja treba obavezno da sadrži: datum podnošenja zahtjeva za ostvarivanje prava na mjesečna novčana primanja za personalnu asistenciju, dokaz da je podnositelj zahtjeva ratni vojni invalid paraplegičar i ratni vojni invalid 100% I grupe kojima je priznato pravo na dodatak za njegu i pomoć od drugog lica sa naznakom stepena: I stepena ili II stepena po članu 14. Zakona o pravima branilaca i članova njihovih porodica ("Službene novine Federacije BiH", br. 33/04, 56/05 - Ispravka, 70/07, 9/10 i 90/17), broj odluke ministra u kojoj se utvrđuje iznos mjesečnog novčanog primanja za personalnu asistenciju za tekuću godinu, kao i sve ostale dokaze sa naznačenim brojem, datumom i nazivom organa koji je izdao akt na osnovu kojih se utvrđuje stvarno činjenično stanje i ispunjavanje uvjeta za priznavanje prava.

Član 3.

(Uvjeti za ostvarivanje prava)

- Pravo na mjesečna novčana primanja za personalnu asistenciju mogu ostvariti ratni vojni invalidi paraplegičari i ratni vojni invalidi 100% I grupe kojima je priznato pravo na dodatak za njegu i pomoć od drugog lica koji ispunjavaju uvjete propisane članom 64g. Zakona, odnosno da su prebivalište, odnosno boravište na području Kantona imali najmanje 10 godina neprekidno do dana podnošenja zahtjeva za ostvarivanje ovog prava.
- Ukoliko je zahtjev za priznavanje prava na mjesečna novčana primanja za personalnu asistenciju podnesen u aprilu mjesecu 2021. godine pravo na mjesečna novčana primanja priznaje se od 01.04.2021. godine.
- Ukoliko je zahtjev priznavanje prava na mjesečna novčana primanja za personalnu asistenciju podnesen

poslije aprila mjeseca 2021. godine pravo na mjesečna novčana primanja priznaje se od prvog dana narednog mjeseca od dana podnošenja zahtjeva.

Član 4.

(Potrebna dokumentacija za ostvarivanje prava)

- U cilju dokazivanja relevantnih činjenica radi ostvarivanja prava ratni vojni invalid uz zahtjev za priznavanje prava na mjesečna novčana primanja za personalnu asistenciju, dužan je dostaviti sljedeću dokumentaciju:
 - Izvod iz matične knjige rođenih podnosioca zahtjeva,
 - Uvjerenje o kretanju da podnositelj zahtjeva ima prijavljeno prebivalište/boravište na području Kantona Sarajevo,
 - Reviziono rješenje o priznatom svojstvu ratnog vojnog invalida I grupe kojim je priznato pravo na dodatak za njegu i pomoć od strane drugog lica,
 - Izjavu podnosioca zahtjeva ovjerenu od nadležnog organa da se za mjesec, dok se ne donese rješenje o ostvarivanju prava na mjesečna novčana primanja za personalnu asistenciju, odriče priznatog prava na mjesečna novčana primanja iz člana 52. Zakona o dopunskim pravima-boraca branitelja Bosne i Hercegovine i da je saglasan da mu se, ukoliko po podnesenom zahtjevu za ostvarivanje prava na mjesečna novčana primanja za personalnu asistenciju ne ostvari isto, retroaktivno isplate neisplaćena mjesečna novčana primanja iz člana 52. Zakona,
 - Potvrda banke sa brojem tekućeg računa podnosioca zahtjeva.
- Priložena dokumentacija treba biti original ili ovjerena kopija ne starija od 6 (šest) mjeseci, izuzev za dokaz iz tačke 1. (rodni list) ukoliko je isti trajnog karaktera.

Član 5.

(Postupak donošenja rješenja i vršenje nadzora)

- Nadležna općinska služba za boračko-invalidsku zaštitu je dužna provesti upravni postupak i donijeti rješenje po zahtjevu stranke u skladu sa odredbama Zakona o upravnom postupku ("Službene novine Federacije BiH", br. 2/98 i 48/99).
- Nadležna općinska služba za boračko-invalidsku zaštitu je dužna nakon donošenja prvostepenog rješenja isti uručiti stranci, te nakon isteka roka za žalbu, dva primjerka rješenja o priznavanju prava dostaviti Ministarstvu, radi vršenja nadzora.
- Negativna rješenja i rješenja protiv kojih je izjavljena žalba ne podliježu nadzoru.
- U postupku nadzora, Ministarstvo može dati saglasnost na prvostepeno rješenje, ukoliko ocijeni da je isto zakonito i pravilno doneseno, ili može poništiti i vratiti na ponovno rješavanje prvostepenom organu, ili samo drugačije riješiti upravnu stvar, ako ocijeni da rješenje sadrži formalno-pravne ili materijalne nedostatke.
- Protiv rješenja o poništavanju i vraćanju na ponovni postupak ne može se pokrenuti upravni spor.
- Ministarstvo će pismenim aktom obavijestiti nadležnu službu za boračko invalidsku zaštitu da je u postupku nadzora data saglasnost na prvostepeno rješenje o priznavanju prava.

Član 6.

(Prestanak korištenja prava)

Pravo na mjesečna novčana primanja za personalnu asistenciju prestaje smrću korisnika prava.

Član 7.

(Postupak po priznatom pravu na mjesečna novčana primanja iz člana 52. Zakona)

Sa danom ostvarivanja prava na mjesečna novčana primanja za personalnu asistenciju ratnim vojnim invalidima 100% I grupe kojima je priznato pravo na dodatak za njegu i pomoć od drugog lica, prestaje pravo na mjesečna novčana primanja iz člana 52. Zakona o dopunskim pravima boraca-branitelja Bosne i Hercegovine.

Član 8.

(Postupak po žalbama)

- (1) Nadležna općinska služba za boračko-invalidsku zaštitu je dužna prvostepeno rješenje na koje je izjavljena žalba zajedno sa spisom predmeta dostaviti Ministarstvu, na nadležno postupanje.
- (2) Ukoliko drugostepeni organ odluči u meritumu u konkretnoj upravnoj stvari, smatra se da je nad tim rješenjem proveden postupak nadzora.
- (3) Protiv drugostepenog rješenja nije dopuštena žalba, ali se može pokrenuti upravni spor pred nadležnim kantonalnim sudom.

Član 9.

(Dostavljanje na isplatu)

- (1) U skladu sa Odlukama broj 05-37-1258/20 od 23.04.2020. godine, broj 05-37-1258-1/20 od 20.05.2020. godine i broj 05-37-46/21 od 19.01.2021. godine o davanju saglasnosti za korištenje informatičke aplikacije ISVDV sistema Federalnog ministarstva za pitanja boraca i invalida odbrambeno-oslobodilačkog rata, obračun i isplata naknade će se vršiti putem aplikacije ISVDV.
- (2) Nadležna općinska služba za boračko-invalidsku zaštitu je dužna nakon donošenja rješenja, odnosno rješenja koje je pozitivno riješeno u žalbenom postupku ili upravnom sporu, unijeti osnovne podatke koje su neophodni za isplatu u ISVDV sistem, skenirati rješenje i isto proglasiti izvršnim u ISVDV sistemu kako bi korisnik mogao ostvariti naknadu koja mu pripada po rješenju uz priznavanje prava od prvog dana narednog mjeseca.
- (3) Općina će na mjesečnom nivou vršiti obračun naknade, te Ministarstvu dostavljati zahtjev za isplatu, a Ministarstvo će nakon prihvatanja općinskih obračuna davati naloge za isplatu naknade krajnjim korisnicima, odnosno vršiti plaćanje direktno bankama.
- (4) Obzirom da je prilagođavanje aplikacije ISVDV još uvijek u toku, do konačne uspostave iste ministarstvo će aktom izvijestiti općine o načinu podnošenja zahtjeva za obračun i isplatu mjesečnih novčanih primanja za personalnu asistenciju.

Član 10.

(Vođenje evidencije i revizija korisnika prava)

- (1) Prvostepeni organ vodi kompletnu evidenciju o korisnicima prava.
- (2) Općinske službe su dužne vršiti reviziju korisnika prava na mjesečna novčana primanja za personalnu asistenciju krajem svake tekuće godine za slijedeću godinu, bez obaveze donošenja novog rješenja, izuzev kada korisnik tog prava ne ispunjava uslove za nastavak korištenja istog. Potrebno je samo konstatovati službenom zabilješkom ispunjavanje traženih uslova.
- (3) Ukoliko korisnik ne ispunjava tražene uslove, općinska služba će donijeti rješenje o prestanku prava.

Član 11.

(Završne odredbe)

Ova Instrukcija stupa na snagu danom donošenja a objavit će se u "Službenim novinama Kantona Sarajevo".

Broj 06-02-10992/21
19. marta 2021. godine
Sarajevo

Ministar
Dr. sc. **Omer Osmanović**, s. r.

OPĆINA CENTAR

Općinsko vijeće

Na osnovu člana 13. stav 2. Zakona o principima lokalne samouprave u Federaciji BiH ("Službene novine Federacije BiH", br. 49/06 i 51/09) i člana 10. i 68. Statuta Općine Centar Sarajevo - Prečišćeni tekst ("Službene novine Kantona Sarajevo", broj 23/04), Općinsko vijeće Centar Sarajevo je, u nastavku Treće redovne sjednice održane elektronskim putem dana 19.03.2021. godine, donijelo

ODLUKU

O PRIVREMENOM SMANJENJU NAKNADE ZA
ZAKUP GRADSKOG GRAĐEVINSKOG ZEMLJIŠTA
NA LOKALITETU PIJACE SIRANO

Član 1.

Zakupcima gradskog građevinskog zemljišta koji na osnovu Odluke o načinu i uslovima raspolaganja gradskim građevinskim zemljištem na lokalitetu pijace Sirano ("Službene novine Kantona Sarajevo", broj 49/19), imaju zaključene ugovore o zakupu zemljišta sa općinom, kao zakupodavcem, umanjuje se naknada za zakup zemljišta za 20% od 01.03.2021. godine do 31.08.2021. godine.

Član 2.

Služba za imovinsko-pravne, geodetske poslove i katastar nekretnina će izvršiti realizaciju obaveze iz člana 1. ove Odluke, bez podnošenja posebnih zahtjeva, uz potrebu zaključivanja aneksa na postojeće ugovore sa zakupcima.

Član 3.

Ova odluka stupa na snagu danom donošenja, a naknadno će se objaviti na oglasnoj ploči i u "Službenim novinama Kantona Sarajevo".

Broj 01-11-1585/21
19. marta 2021. godine
Sarajevo

Zamjenik predsjedavajućeg
Općinskog vijeća
Benjamin Isović, s. r.

Ova Odluka je objavljena na oglasnoj ploči Općine Centar dana 22.03.2021. godine.

Na osnovu člana 13. stav (2) Zakona o principima lokalne samouprave u Federaciji BiH ("Službene novine Federacije BiH", br. 49/06 i 51/09), te člana 23. Odluke o dodjeli u zakup poslovnih zgrada i prostorija Općine Centar Sarajevo ("Službene novine Kantona Sarajevo", br. 49/17 i 21/18), kao i člana 10. i 68. Statuta Općine Centar Sarajevo - Prečišćeni tekst ("Službene novine Kantona Sarajevo", broj 23/04), Općinsko vijeće Centar Sarajevo je, u nastavku Treće redovne sjednice održane elektronskim putem dana 19.03.2021. godine, donijelo

ODLUKU

O PRIVREMENOM SMANJENJU ZAKUPNINE ZA
POSLOVNE PROSTORIJE U VLASNIŠTVU OPĆINE
CENTAR DO 31.08.2021. GODINE

Član 1.

Ovom Odlukom se propisuje privremeno smanjenje zakupnine za poslovne prostorije u vlasništvu Općine Centar od 01.03. - 31.08.2021. godine, kao mjera ublažavanja negativnih